

ձայնէ նորին . այսք չարք հալածական եղեն 'ի հրամանէ նորին , խոտտովանեալ զնա Որդի Աստուծոյ : Եցոյց աշակերտացն թէ զի՞նչ կրեւոյ իցեն վասն իւր և վասն վարդապետութեան իւրոյ . մարգարէացաւ զանցից և զտարածելոյ Եկեղեցւոյ իւրոյ և զկործանմանէ Հրէական տէրութեանն , Երուսաղէմի և Տաճարին , խառն ընդ նոսա և ըզվերջին դատաստանէ . յայտնեաց զանսլարագրելի փառս աստուածութեան իւրոյ 'ի լեառն Թափօր , ծանուցեալ զինքն տէր կենդանեաց և մեռելոց . պատմեաց աշակերտացն և թշնամեացն իսկ՝ զիւրոյ ելիցն զոր կատարելոցն էր Երուսաղէմ :

Պիղատոսի իսկ զարմացեալ ընդ սքանչելի գեղ աստուածախառն մարմնոյ Փրկչին մերոյ՝ գրեաց զնմանէ առ Տիրբեր կայսր եւ առ ամենայն ծերակոյտն Հռոմայ , որ ունէր օրինակ զայս :

Այր մի մեծ՝ առաքինութեամբք իւրովք երեւեցաւ յաւուրս մեր , որում անուն կարդային Յիսուս Քրիստոս , որ յարուցանէ զմեռեալս եւ բժշկէ զամենայն ազգս հիւանդութեանց , և կոչեն զնա Մարգարէ ճշմարտութեան , և ունի նա աշակերտս՝ որք անուանեն զնա Որդի Աստուծոյ : Այր՝ արդարեւ գեղեցկահասակ և արժանի տեսանելոյ , ունեւով զէմս պատկառելի՝ որ տայ զսէր միանգամայն և զերկիւղ ամենեցուն՝ որ 'ի նա հային : Վարսք իւր են 'ի գոյն հասուն կաղնւոյ՝ միաւորեալ մինչեւ յականջացն 'ի վայր գոռաղացեալ եւ գանգրեալ գեղեցիկ և պայծառ՝ որք և սիրեալ և ծածանեալ կան զուսովքն . դուով նոյն վարսիցն բաժանեալ ընդ մէջ գլխոյն՝ ըստ տարազու նազովրեցւոց : Դէմք իւր չունի ինչ արատ և ոչ խորշովութիւնս , կարմրագոյն է և քաղցրադէմ . իսկ ունչք նորա և բերանն չունին ինչ բնաւ ասելի : Աչք իւր են իբր կապոյտ և իբր կանաչ սպիտակախառն : Ունի մօրուս Թանճր՝ այլ ոչ երկար՝ և է 'ի գոյն վարսիցն՝ և բաժանեալ ընդ ծնոտիւքն : Ձեռք իւր և բազուկք քաղցր են 'ի տեսանել : Ահաւոր է նա 'ի կշտամբանսն , և 'ի յորդորմունս իւր մարդասէր , սիրելի և զուարթ , բայց միանգամայն և ծանր . քանզի ոչ ոք ետես զնա ծիծաղիլ , այլ արտասուել երբեմն՝ այո՛ , դուն ուրեք խօսի՛ և համեստ է 'ի խօսիլ իւ-